

U skladu sa Programom rada Federalnog zavoda za zapošljavanje za 2012. godinu i Odlukom Upravnog odbora Federalnog zavoda za zapošljavanje o usvajanju Programa jačanja konkurentnosti na tržištu rada – prvo radno iskustvo broj: 01/1-49-3196/12 od 29.11.2012. godine (u daljem tekstu: Program), Federalni zavod za zapošljavanje (u daljem tekstu: Zavod) r a s p i s u j e

## **J A V N I   P O Z I V**

### **za učešće u Programu jačanja konkurentnosti na tržištu rada – prvo radno iskustvo**

Pozivaju se poslodavci koji su zainteresirani da uz finansijsku podršku omoguće sticanje prvog radnog iskustva i osposobljavanje za rad u struci mladim nezaposlenim osobama dobi do 30 godina, da se prijave na Javni poziv.

Korisnici po Programu su poslovni subjekti registrovani u Federaciji Bosne i Hercegovine koji redovno izmiruju obaveze po osnovu poreza i doprinosa.

#### **U Programu ne mogu učestvovati :**

- institucije koje prijem zaposlenika vrše posredstvom agencija za državnu službu,
- poslodavci koji su koristili kreditna ili bespovratna sredstva iz poticajnih mjera Zavoda ili kantonalnih službi za zapošljavanje (u daljem tekstu: Služba/službi) a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva.

#### **Ciljne grupe i poticajne mjere**

Za Program su osigurana sredstva u iznosu od 4.554.000 KM, i to 4.140.000 KM za sufinansiranje osposobljavanja za rad u struci i prvo radno iskustvo nezaposlenih mladih osoba i 414.000 KM za uvećanje utvrđenog iznosa (za 10%) za pripadnike posebne kategorije nezaposlenih mladih osoba.

Ciljnu grupu čine nezaposlene osobe dobi do 30 godina:

- bez radnog iskustva u struci za koju su se školovale,
- prijavljene na evidenciju službi prije objavljivanja Javnog poziva,
- visoke i više stručne spreme (VSS - VII stepen i najmanje završen prvi ciklus obrazovanja po Bolonjskom procesu i VŠS),
- srednje stručne spreme (SSS - IV i III stepen).

Programom je planirano sticanje prvog radnog iskustva i osposobljavanje za rad u struci 1.000 osoba iz ciljne grupe:

- sufinansiranjem zapošljavanja 500 osoba srednje stručne spreme (SSS - III i IV stepen) u trajanju od šest mjeseci u bruto iznosu od 460 KM mjesečno,
- sufinansiranjem zapošljavanja 500 osoba visoke i više stručne spreme (VSS - VII stepen i najmanje završen prvi ciklus obrazovanja po Bolonjskom procesu i VŠS) u trajanju od 12 mjeseci u bruto iznosu od 460 KM mjesečno.

Ciljna grupa	Kvalifikacija – stepen školske spreme	Period sufinansiranja	Mjesečni iznos sufinansiranja u KM (bruto)	Ukupan iznos sufinansiranja u KM (bruto)
Mlade nezaposlene osobe dobi do 30 godina bez radnog iskustva	III i IV stepen	6 mjeseci	460	2.760
	VI i VII stepen i najmanje završen prvi ciklus po Bolonjskom procesu	12 mjeseci	460	5.520

Iznos sufinansiranja se uvećava za 10% utvrđenog iznosa (bez kumulativnog računanja) za pripadnike posebne kategorije nezaposlenih mladih osoba:

- žene
- Rome
- dugoročno nezaposlene osobe, koje su najmanje 12 mjeseci na evidenciji nezaposlenih
- članove šehidskih porodica ili porodica poginulog branitelja
- osobe sa invaliditetom, kao i radno sposobne osobe sa lakom i umjerenom retardacijom
- članove domaćinstva u kojem ni jedan član nije zaposlen
- samohrane roditelje, staratelje i hranitelje
- roditelje djeteta sa posebnim potrebama
- žrtve nasilja: civilne žrtve rata, žrtve nasilja u porodici i dr.
- liječene ovisnike
- bivše štíćenike doma za nezbrinutu djecu.

Poslodavcu se po Programu može odobriti sufinansiranje zapošljavanja najviše pet osoba jedne stručne spreme, s tim da poslodavci koji imaju do pet zaposlenih mogu zaposliti jednu osobu, poslodavci koji imaju od pet do 10 zaposlenih mogu zaposliti ukupno tri osobe, a poslodavci koji imaju od 10 do 30 zaposlenih mogu zaposliti ukupno sedam osoba, dok poslodavci koji imaju 30 i više zaposlenih mogu zaposliti ukupno 10 osoba.

### **Prijava na Javni poziv**

Javni poziv za učešće u Programu ostaje otvoren do potpisivanja ugovorā u vrijednosti raspoloživih sredstava opredijeljenih po kantonima.

Javnim pozivom omogućeno je mladim nezposlenim osobama da koriste obrazac *Inicijativa*, koji predstavlja instrument za iniciranje realizacije Programa za koji je Zavod osigurao sredstva za sufinansiranje osposobljavanja za rad u struci i sticanje prvog radnog iskustva mladih nezaposlenih osoba dobi do 30 godine III/IV stepena obrazovanja na period od šest mjeseci u ukupnom bruto iznosu od 2.760 KM, odnosno VI/VII stepena obrazovanja na period od 12 mjeseci u ukupnom bruto iznosu od 5.520 KM.

Osnovne informacije o postupcima, proceduri i aktivnostima iz Programa, nezaposlene osobe iz ciljne grupe i poslodavci dobijaju u Zavodu i službama.

Osobe koje preuzmu obrazac *Inicijativa* u nadležnoj Službi ili birou/podružnici ili sa web stranice Zavoda [www.fzzz.ba](http://www.fzzz.ba) treba da pronađu poslodavca koji će im pod uvjetima Programa omogućiti sticanje prvog radnog iskustva i osposobljavanje za rad u struci u periodu i uz iznos sufinansiranja utvrđenim Programom. Poslodavac izražava pristanak za učešće u Programu potpisivanjem i ovjerom obrasca *Prijava na Javni poziv*.

Nakon što se neposredno ili poštom nadležnoj Službi dostavi obrazac *Prijava na Javni poziv*, potpisan i ovjeren od poslodavca, uz koji je priložen obrazac *Inicijativa*, Služba priprema šest primjeraka ugovora o sufinansiranju osposobljavanje za rad u struci, a koje nepotpisane dostavlja poslodavcu na potpis.

Redoslijed potpisivanja ugovora je prema vremenu prispjeha obrasca *Prijave na Javni poziv* potpisanog i ovjerenog od poslodavca uz koji je priložen obrazac *Inicijativa*.

Uz ugovore poslodavcu se dostavlja popratni akt kojim se traži da uz potpisane i ovjerene ugovore u odgovarajućem roku od 15 dana dostavi:

- ovjerenu kopiju rješenja iz sudskog registra za obavljanje djelatnosti,
- broj računa u poslovnoj banci na koji će se sredstva doznačiti,
- uvjerenje o izmirenim obavezama po osnovu poreza i doprinosa, original ili ovjerenu kopiju ne stariju od tri mjeseca,
- uvjerenje o broju zaposlenih osoba ne starije od 30 dana, i to ako aplicira za više od jedne osobe,
- kopiju ugovora o radu sa osobom koja je dostavila popunjen obrazac *Inicijativa*,
- kopiju Obrasca JS 3100 (Prijava na obavezna osiguranja putem Porezne uprave Federacije BiH) za istu osobu,
- ovjerenu kopiju dokaza o ispunjavanju uvjeta o pripadnosti socijalno osjetljivoj kategoriji utvrđenoj Programom,
- kopiju diplome osobe za koju se sufinansira osposobljavanje za rad u struci i sticanje prvog radnog iskustva.

Služba provjerava dokumentaciju te ukoliko je poslodavac dostavio nepotpunu ili dokumentaciju koja nije validna obavještava poslodavca i nezaposlenu osobu o razlozima nepotpisivanja ugovora.

Ako je dokumentacija validna i potpuna, Služba potpisuje i ovjerava sve primjerke ugovora o sufinansiranju osposobljavanja za rad u struci, te ih dostavlja Zavodu, koji također potpisuje i ovjerava sve primjerke ugovora, a zadržava dva primjerka, te ostale vraća Službi. Služba zadržava dva primjerka ugovora, a dva prosljeđuje poslodavcu.

Ukoliko poslodavac u ostavljenom roku (15 dana) ne dostavi potpunu i validnu dokumentaciju, smatrat će se da je odustao od učešća u Programu i u proceduru se uzima prvi sljedeći obrazac *Prijava na Javni poziv* prema datumu prispjeha.

### **Pravdanje i isplata odobrenih sredstava**

Nakon potpisivanja ugovora poslodavac dostavlja potpisane i ovjerene platne liste za plaće osoba za koje se sufinansira osposobljavanje za rad u struci i sticanje prvog radnog iskustva, uplatnice za pojedinačne isplate plaća, odnosno, u slučaju zbirne uplate plaća, kopije izvoda

banke iz kojih je vidljiva isplata pojedinačnih plaća za sufinansirane osobe, specifikacije plaća ovjerene u Poreznoj upravi Federacije BiH.

Služba priprema Izvještaj i dostavlja Zavodu.

Zavod, na osnovu dostavljenog Izvještaja Službe o ispunjavanju uvjeta za isplatu, korisniku sredstava mjesečno isplaćuje ugovoreni iznos za protekli mjesec do isteka ugovorene obaveze sufinansiranja.

Po završetku Programa, a prije isplate posljednje mjesečne refundacije dijela bruto plaće, poslodavac je dužan dostaviti primjerak izdate potvrde o završetku osposobljavanja za rad i sticanju radnog iskustva osobe obuhvaćene Programom.

**Obrazac *Prijava na Javni poziv*, potpisan i ovjeren od poslodavca, uz koji je priložen obrazac *Inicijativa* poslodavac dostavlja neposredno ili poštom nadležnoj Službi.**